

四庫全書

集部

欽定四庫全書

集部

御定佩文齋詠物詩選

御製序

總目
卷一至五

詳校官侍郎_臣李封

主事銜_臣徐以坤覆勘

總校官檢討_臣何思鈞

校對官中書_臣王璜

謄錄監生_臣陳煜

御製佩文齋詠物詩選序

昔者子夏序詩謂正得失動天地感鬼神莫近於詩先王以是經夫婦成孝敬厚人倫美教化移風俗若是乎詩之道大矣哉而周公續述唐虞宗翼文武制禮以導天下著爾雅一篇後之序之者謂爾雅所以通詁訓之指歸叙詩人之興詠疏之者曰爾雅所釋徧解六經而獨云叙詩人之興詠者以爾雅之作多為釋詩是則一物多名片言殊訓凡以蟲魚草木之微發揮天地萬物

之理而六義四始之道由是以明焉故夫詩者極其至
足以通天地類萬物而不越乎蟲魚草木之微詩之詠
物自三百篇而已然矣孔子曰邇之事父遠之事君多
識於鳥獸草木之名夫事父事君忠孝大節也鳥獸草
木至微也吾夫子並舉而極言之然則詩之道其稱名
也小其取類也大即一物之情而關乎忠孝之旨繼自
騷賦以來未之有易也此昔人詠物之詩所由作也歟
朕自經帷進御覃精六籍至於燕暇未嘗廢書於詩之

道時盡心焉爰自古昔逸詩漢魏六朝洎夫有唐訖於
宋元明之作博觀耽味審其蕭稂掇其菁英命大學士
陳廷敬尚書王鴻緒校理之翰林蔡升元楊瑄陳元龍
查昇陳壯履勵廷儀張廷玉錢名世汪灝查慎行蔣廷
錫編錄之名曰佩文齋詠物詩蓋蒐采既多義類咸備
又不僅如向者所云蟲魚鳥獸草木之屬而已也若天
經地志人事之可以物名者罔弗列焉於是鏤板行世
與天下學文之士共之將使之由名物度數之中求合

乎溫柔敦厚之指充詩之量如卜商氏之所言而不負
古聖諄復詁訓之心其於詩教有裨益也夫

康熙四十五年六月二十一日

御定佩文齋詠物詩選告成進

呈表

翰林院編修臣高輿恭承

聖諭校刻

佩文齋詠物詩選今已成書謹奉

表上

進者臣輿誠惶誠恐稽首頓首

上言伏以詠歌言志詩教因以諧音品類殊名風人

託以寄興綜古今之論述四始宏該極功德之
形容五常具備屬辭選義既興觀羣怨之咸宜
寓物抒情亦鳥獸蟲魚之兼及自時厥後為體
滋繁厯數千載之謳吟妍媸匪一合三百篇之
旨趣雅俗或乖故篇什必藉夫搜羅而鑒擇尤
期於精當務臻備美乃愜編摩恭惟

皇帝陛下

道協天人

功參化育

典謨訓誥心傳在精一之微

韶濩咸英聲律究中和之本

奎章魏煥麗雲漢以昭回

睿藻光華並日星而朗耀奚翅一辭莫贊允為百代觀
型而猶

雅意掄文

虛懷體物於

敕幾之餘暇事

弘覽之精勤謂歌詩原本於性情而名物悉關乎義
理若不廣為采擷曷以萃厥菁英屢經乙夜之
親裁

申命諸臣而彙輯於是燃藜芸閣給札薇垣上自古初
下訖勝國詩從物類若五色之相宣選以體分
猶四時之成序大則觀文察理取象高深細則
喙息跂行肖形毫末其間包羅衆品薈叢羣材

服食器用之需皆歸逸響律呂權衡之事並入
妍辭農牧樵漁恍見野人之趣圖書藥物足抒
大雅之襟以及仙釋之遐踪將帥之行陣異卉
名花之悅性纖鱗弱羽之遂生莫不次第臚陳
後先區別夜光觸目荆山無韞玉之嫌明月入
懷滄海寡遺珠之歎既漱芳而傾液復按部而
就班羣服

宸衷藻鑑之精亦見作者經營之善彙成卷帙繕寫進

呈

臨黼座以開編

命鸞牋而製序冠諸簡首益增璀璨之觀秘在枕中競

奉縹緗之襲難林是寶虎觀同珍臣夙愧顛愚

早承

殊渥竊叨珥筆趨中禁以驚心願學操觚望西清而厲

志乃者荷

九重之綸綍

界全部以雕鐫拜

命悚惶捧函戒謹訂魯魚之異字尚懼承訛正朋鳳之
同文惟求無舛爰遴剏厠再付裝潢用尅日以
竣工恐藏事之或後伏願

賜留玉案

分識牙籤

頒示寰區資博物洽聞之益流傳久遠弘歌衢詠巷之
風洵六儀之芳規為千秋之盛事謹校定六十

四冊為類四百八十有六計古今各體詩一萬
四千五百九十首刊刻告成

臣興無任瞻

天仰

聖激切屏營之至謹奉

表隨

進以

聞

康熙四十六年三月初一日翰林院編修

臣高

興謹上表

--	--	--	--	--	--	--	--	--

御定佩文齋詠物詩選

彙閱

文華殿大學士兼戶部尚書

臣張玉書

經筵講官文淵閣大學士兼吏部尚書

臣陳廷敬

經筵講官戶部尚書

臣王鴻緒

編輯官

經筵講官戶部右侍郎兼管詹事府詹事事

臣汪霨

經筵講官內閣學士兼禮部侍郎

臣蔡升元

經筵講官內閣學士兼禮部侍郎兼管詹事府詹事臣楊瑄

經筵講官起居注翰林院掌院學士兼禮部侍郎教習庶吉士臣陳元龍

日講官起居注詹事府少詹事兼翰林院侍講學士臣查昇

日講官起居注翰林院侍讀學士今任編修臣陳壯履

日講官起居注翰林院侍講學士臣勵廷儀

日講官起居注翰林院侍講臣錢名世

日講官起居注左春坊左贊善兼翰林院檢討臣蔣廷錫

日講官起居注翰林院檢討臣張廷玉

皇太子講官翰林院編修臣汪灝

翰林院編修臣查慎行

欽定四庫全書

集部八

御定佩文齋詠物詩選總目
總集類

卷一

天

卷二

日

卷三

月

卷四

星

卷五

河漢

卷六

風

卷七

雷電
附雹

卷八

雲

卷九

霞

卷十

雨

卷十一

霧

卷十二

露

卷十三

霜

卷十四

雪

卷十五

冰

卷十六

虹霓

卷十七

瑞氣

卷十八

晴

卷十九

曉

卷二十

夜

卷二十一

寒

卷二十二

暑

卷二十三

涼

卷二十四

春

卷二十五

立春

卷二十六

夏

卷二十七

立夏

卷二十八

秋

卷二十九

立秋

卷三十

冬

卷三十一

立冬

卷三十二

冬至

卷三十三

元旦

卷三十四

人日

卷三十五

上元

卷三十六

花朝

卷三十七

社日

卷三十八

寒食

卷三十九

清明

卷四十

上巳

卷四十一

佛日

卷四十二

午日

卷四十三

七夕

卷四十四

中元

卷四十五

中秋

卷四十六

九日

卷四十七

臘日

卷四十八

除夕

卷四十九

山總類

卷五十

泰山

卷五十一

華山

卷五十二

衡山

卷五十三

恒山

卷五十四

嵩山

卷五十五

西山

卷五十六

盤山

卷五十七

鍾山

卷五十八

金山

附焦山

卷五十九

茅山

卷六十

武夷山

卷六十一

廬山

卷六十二

九華山

卷六十三

小孤山

卷六十四

天臺山

卷六十五

普陀山

卷六十六

羅浮山

卷六十七

惠山

卷六十八

虎丘山

卷六十九

巫山

卷七十

太行山

卷七十一

王屋山

卷七十二

終南山

卷七十三

龍門山

卷七十四

峰

卷七十五

嶺

卷七十六

巖

卷七十七

洞

卷七十八

谷

卷七十九

島嶼

卷八十

石

卷八十一

石壁

卷八十二

假山

卷八十三

衆山

卷八十四

水總類

卷八十五

海

卷八十六

江

卷八十七

曲江

卷八十八

淮水

卷八十九

河

卷九十

漢水

卷九十一

洛水

卷九十二

湘水

卷九十三

湖

卷九十四

川

卷九十五

渚

卷九十六

浦

卷九十七

谿

卷九十八

澗

卷九十九

潭

卷一百

洲

卷一百一

渡

卷一百二

潮

卷一百三

池 附沼

卷一百四

溝

卷一百五

灘瀨

卷一百六

井

卷一百七

泉

卷一百八

溫泉

卷一百九

瀑布 附水簾

卷一百十

衆水

卷一百十一 宮殿

卷一百十二 門闕

卷一百十三 省掖

卷一百十四 館閣

卷一百十五 院

卷一百十六 苑

卷一百十七 臺榭

卷一百十八 亭

卷一百十九 樓

卷一百二十 閣

卷一百二十一 莊 附山房

卷一百二十二 園林

卷一百二十三 別業

卷一百二十四 城郭

卷一百二十五 橋梁

卷一百二十六 隄岸

卷一百二十七 舟

卷一百二十八 車

卷一百二十九 簡閱

卷一百三十 狩獵

卷一百三十一 征伐

卷一百三十二 從軍

卷一百三十三 出塞

卷一百三十四 告捷

卷一百三十五 凱旋

卷一百三十六 行營

卷一百三十七 陣圖

卷一百三十八 射

卷一百三十九 弓

卷一百四十 箭

卷一百四十一 刀

卷一百四十二 劍

卷一百四十三 旌旗

卷一百四十四 戰袍

卷一百四十五 彈

卷一百四十六 鞭

卷一百四十七 武備雜類

卷一百四十八 鹵簿

卷一百四十九 儀器

卷一百五十 權衡度量

卷一百五十一 寶玉

卷一百五十二 珠

卷一百五十三 金

附銀

卷一百五十四 錢

卷一百五十五 錦綺

卷一百五十六 布帛

卷一百五十七 苧葛

卷一百五十八 氍毹

卷一百五十九 印笏

卷一百六十 冠簪

卷一百六十一 衣

附帕

卷一百六十二 帶佩

卷一百六十三 履舄

卷一百六十四 屏障

卷一百六十五 簾幕

卷一百六十六 如意塵拂

卷一百六十七 砧杵

卷一百六十八 書籍

卷一百六十九 五經

卷一百七十 史

卷一百七十一 讀書

卷一百七十二 書法總類

卷一百七十三 御書

卷一百七十四 篆書

卷一百七十五 真書

卷一百七十六 草書

卷一百七十七 書札

卷一百七十八 碑

卷一百七十九 筆

卷一百八十 墨

卷一百八十一 硯 附硯山

卷一百八十二 紙

卷一百八十三 筴

卷一百八十四 畫

卷一百八十五 樂律

卷一百八十六 鐘

卷一百八十七 鼓

卷一百八十八 磬

卷一百八十九 簫

卷一百九十 管

卷一百九十一 笙

卷一百九十二 笛

卷一百九十三 琴

附風琴

卷一百九十四 琴石

卷一百九十五 瑟

卷一百九十六 箏

卷一百九十七 琵琶

卷一百九十八 笙篳

卷一百九十九 砮

卷二百 角

卷二百一 觥

卷二百二 方響

卷二百三 雜樂器

卷二百四 鼎彝

卷二百五 爐

附火籠

卷二百六 鏡

卷二百七

扇

卷二百八

碁

附彈碁

卷二百九

投壺

卷二百九

杖

卷二百十一

文具

卷二百十二

玩具

卷二百十三

飲具

卷二百十四

釀具

卷二百十五 茶具

卷二百十六 食具

卷二百十七 坐具

卷二百十八 寢具

卷二百十九 雜器

卷二百二十 香

卷二百二十一 燈燭

附煙火

卷二百二十二 火

卷二百二十三 煙

卷二百二十四 薪炭

卷二百二十五 農

卷二百二十六 圃

卷二百二十七 樵

卷二百二十八 漁

卷二百二十九 牧

卷二百三十 織

卷二百三十一 女紅

卷二百三十二 佛寺

卷二百三十三 佛

卷二百三十四 僧

卷二百三十五 浮圖

卷二百三十六 僧家雜類

卷二百三十七 仙觀

卷二百三十八 仙

卷二百三十九 道士

卷二百四十 步虛詞

卷二百四十一 道家雜類

卷二百四十二 食物總類

卷二百四十三 酒

卷二百四十四 茶

卷二百四十五 飯

卷二百四十六 粥

卷二百四十七 麪

卷二百四十八 糕

卷二百四十九 餅

卷二百五十 饌

卷二百五十一 酥

卷二百五十二 乳

卷二百五十三 羹

卷二百五十四 湯

卷二百五十五 糖霜

卷二百五十六 食物雜類

卷二百五十七 穀

卷二百五十八 麥

卷二百五十九 蔬菜

卷二百六十 雜蔬

卷二百六十一 瓜

卷二百六十二 豆花

卷二百六十三 葶菜

卷二百六十四 菌 附石耳

卷二百六十五 瓠

卷二百六十六 韭薤 附蔥

卷二百六十七 山藥

卷二百六十八 芋

卷二百六十九 葶菜

卷二百七十 蘆朮

卷二百七十一 蕨

卷二百七十二 椒薑

卷二百七十三 薺

卷二百七十四 菱芡

卷二百七十五 總樹類

卷二百七十六 總花類

卷二百七十七 松

卷二百七十八 柏

卷二百七十九 檜

卷二百八十 杉

卷二百八十一 榆

卷二百八十二 槐

卷二百八十三 梧桐

卷二百八十四 榕

卷二百八十五 椿

卷二百八十六 楠

卷二百八十七 桑

卷二百八十八 楸

卷二百八十九 楊柳

卷二百九十 檉

卷二百九十一 烏桕

卷二百九十二 冬青

卷二百九十三 銀杏

卷二百九十四 木瓜

卷二百九十五 木槿花

卷二百九十六 桃花

卷二百九十七 梅花
附紅梅 梅子

卷二百九十八 李花

卷二百九十九 杏花

卷三百 梨花

卷三百一 栗

卷三百二 棗

卷三百三

柰

卷三百四

柑

卷三百五

橘
附金橘

卷三百六

橙

卷三百七

榴花

卷三百八

柿

卷三百九

楊梅

卷三百十

核桃

卷三百十一

枇杷

卷三百十二

櫻桃

卷三百十三

林檎

卷三百十四

荔枝

卷三百十五

龍眼

卷三百十六

橄欖

卷三百十七

葡萄

卷三百十八

海棠

附秋海棠

卷三百十九 桂花

卷三百二十 玉蘭

卷三百二十一 丁香

卷三百二十二 夜合

卷三百二十三 紫薇

卷三百二十四 木蘭

卷三百二十五 蠟梅

卷三百二十六 山茶

卷三百二十七 梔子

卷三百二十八 辛夷

卷三百二十九 繡毬

卷三百三十 棠梨

卷三百三十一 玉蘂花

卷三百三十二 山礬

卷三百三十三 棟花

卷三百三十四 木棉花

附 槿花

卷三百三十五 竹

卷三百三十六 笋

卷三百三十七 牡丹

卷三百三十八 芍藥

卷三百三十九 瑞香

卷三百四十 木芙蓉

卷三百四十一 茉莉

卷三百四十二 夾竹桃

卷三百四十三 薔薇

卷三百四十四 月季

卷三百四十五 刺桐

卷三百四十六 茶蘼

卷三百四十七 凌霄

卷三百四十八 藤花

卷三百四十九 山丹

卷三百五十 素馨

卷三百五十一 玉瓏鬆

卷三百五十二

瓊花

附瑤花

琪花

卷三百五十三 蘭

卷三百五十四 蕙

卷三百五十五 芝

卷三百五十六 萱

卷三百五十七 菊

卷三百五十八 荷

金方石合
卷三百五十九 葵

卷三百六十 杜鵑花

卷三百六十一 水仙

卷三百六十二 金沙花

卷三百六十三 金錢花

卷三百六十四 罌粟

卷三百六十五 玉簪花

卷三百六十六 鳳仙

卷三百六十七 雞冠

卷三百六十八 牽牛

卷三百六十九 杜若

卷三百七十 菖蒲

卷三百七十一 芭蕉

附美人蕉

卷三百七十二 石竹

卷三百七十三 葉

卷三百七十四 雜樹類

卷三百七十五 雜花類

卷三百七十六 藥類

卷三百七十七 人參

卷三百七十八 茯苓

卷三百七十九 黃精

卷三百八十 山茱萸

卷三百八十一 檳榔

卷三百八十二 枳殼

卷三百八十三 枸杞

卷三百八十四 決明

卷三百八十五 藥名詩

卷三百八十六 雜藥類

卷三百八十七 蘆葦

附蕪葭

薊

卷三百八十八 荻花

卷三百八十九 荇花

附蒹

卷三百九十 蓼花

卷三百九十一 蘋花

卷三百九十二 苔蘚

卷三百九十三 萍花

卷三百九十四 薜蘿

卷三百九十五 菰蒲

卷三百九十六 草

附莎

葵

蕪 蓬 茅
兔 葵 瓦 松

蒼

卷三百九十七 麟

卷三百九十八 騶虞

卷三百九十九 獅子

卷四百 象

卷四百一 虎

卷四百二 豹

卷四百三 熊羆

卷四百四 駱駝

卷四百五 馬

卷四百六 驢 附驢

卷四百七

牛 附犀牛

卷四百八

羊

卷四百九

犬

卷四百十

豕

卷四百十一

鹿

卷四百十二

狐

卷四百十三

猿 附獼猴

卷四百十四

狼

卷四百十五 狸

卷四百十六 兔

卷四百十七 貓

卷四百十八 鼠

卷四百十九 猩猩

附 禺 禺

卷四百二十 雜獸

卷四百二十一 總禽鳥類

卷四百二十二 鳳

附 鸞

卷四百二十三 孔雀

卷四百二十四 鶴

卷四百二十五 錦雞

卷四百二十六 雁

卷四百二十七 鷹

附隼

海青

卷四百二十八 鶻

卷四百二十九 鵬鶚

卷四百三十 白翎雀

卷四百三十一 鳶

卷四百三十二 雉

卷四百三十三 鷓鴣

卷四百三十四 烏鵲鵲同

卷四百三十五 鵲

卷四百三十六 鳩

卷四百三十七 鶯

卷四百三十八 燕

卷四百三十九 白鵝

卷四百四十 鸚鵡

卷四百四十一 鸛鵒

卷四百四十二 雀

附黃雀

卷四百四十三 畫眉

卷四百四十四 戴勝

卷四百四十五 布穀

報谷郭公同

卷四百四十六 提壺

卷四百四十七 啄木

卷四百四十八 鴛鴦

卷四百四十九 鸕鶿

卷四百五十 鷓鴣

卷四百五十一 鷗

卷四百五十二 鷺

卷四百五十三 百舌

卷四百五十四 杜鵑

卷四百五十五

鷓鴣

伯勞同

卷四百五十六

白頭公

卷四百五十七

白鳥

卷四百五十八

翠鳥

卷四百五十九

鷓鴣

卷四百六十

鷓鴣

卷四百六十一

天鵝

卷四百六十二

鳬

卷四百六十三

竹鷄

泥滑滑同

卷四百六十四

鷺

卷四百六十五

鴨

卷四百六十六

鷄

卷四百六十七

雜鳥

卷四百六十八

龍

附蛟虬

卷四百六十九

魚

附蝦

海蜃

卷四百七十

鱗

卷四百七十一 龜

卷四百七十二 車螯

卷四百七十三 蚌蛤

附蛎

蛸 螺 蚌

卷四百七十四 蛙

卷四百七十五 總蟲類

卷四百七十六 蠶

卷四百七十七 蟬

卷四百七十八 蝶

卷四百七十九 蜂

卷四百八十 蜻蜓

卷四百八十一 蜘蛛

卷四百八十二 螢

卷四百八十三 促織 絡緯同

卷四百八十四 蠹魚

卷四百八十五 蚊蠅

卷四百八十六 雜蟲

臣等謹案

御定佩文齋詠物詩選四百八十二卷康熙四十五

年

聖祖仁皇帝御定自執文類聚初學記始以詠物之
詩分隸各類後宋綬蒲積中有歲時雜詠專
收節序之篇陳敬沂有全芳備祖惟採草木
之什未有蒐合遺篇包括厯代分門列目共
為一總集者明華亭張之象始有古詩類苑

唐詩類苑兩集然亦多以人事分編不專于
詠物其全輯詠物之詩者實始自是編所錄
上起古初下訖明代凡四百八十類又附見
者四十九類諸體咸備庶彙畢陳洋洋乎詞
苑之大觀也夫鳥獸草木學詩者資其多識
孔門之訓也郭璞作山海經贊戴凱之作竹
譜宋祁作益部方物畧記並以韻語叙物產
豈非以諧諸聲律易于記誦歟學者坐諷一

編而周知萬品是以摘文而兼博物之功也
至于借題以託比觸目以起興美刺法戒繼
軌風人又不止爾雅之注蟲魚矣知

聖人隨事寓教嘉惠藝林者深也原本未標卷第惟
分六十四冊篇頁稍繁今依類分析編為四
百八十六卷乾隆四十六年三月恭校上

總纂官

臣紀昀臣陸錫熊臣孫士毅

總校官

臣陸費墀

欽定四庫全書

御定佩文齋詠物詩選卷一

天類

四言古

八伯歌

古逸詩

明明上天爛然星陳日光華宏予一人

釋天地圖贊

晉郭璞

祭地肆瘞郊天致禋氣升太乙精渙九淵至敬不文明

德惟虔

天贊

宋何承天

軒轅改物以經天人容成造歷大撓創辰龍集有次星紀乃分

五言古

升天行

魏曹植

乘蹻追術士遠之蓬萊山靈液飛素波蘭桂上參天玄豹遊其下翔鵬戲其顛乘風忽登舉彷彿見衆仙

天行篇

晉傳玄

天行一何健日月無停蹤百川皆赴海三辰回泰蒙

七言古

附長短句

皇娥歌

古逸詩

天清地曠浩浩茫茫萬象迴薄化無方
洽天蕩蕩望滄滄
乘桴輕漾著日旁
當期何所至窮桑
心知和樂悅未央

祭天辭

周闕名

皇皇上天昭臨下土集地之靈降甘風雨庶物羣生各

卷一
得其所靡今靡古惟予一人其敬拜皇天之祐

兩儀詩

晉傳玄

兩儀始分元氣清列宿垂象六位成日月西流景東征
悠悠萬物殊品名聖人憂世念羣生

天行歌

傅玄

天時泰兮昭以陽清風起兮景雲翔仰觀兮辰象日月
兮運周俯視兮河海百川兮東流

御定佩文齋詠物詩選卷一

欽定四庫全書

御定佩文齋詠物詩選卷二

日類

五言古

升天行

魏
曹植

扶桑之所出乃在朝陽谿中心凌蒼昊布葉蓋天涯日出登東幹既夕沒西枝願得紆陽轡迴日使東馳

日

魏
劉楨

仰視白日光皎皎高且懸兼燭八紘內物類無頗偏

詠日

晉張

載

一作左思

白日隨天回瞰瞰圓如規踊躍湯谷中上登搏桑枝

日

晉傅

玄

湯谷發清曜九日棲高枝願得竝天御六龍齊玉羈

詠朝日

梁簡文帝

團團出天外煜煜上層峰光隨浪高下影逐樹輕濃

詠日應令

梁劉孝綽

弭節馳暘谷照檻出扶桑園葵亦可幸傾葉奉離光

詠日華

陳
徐陵

朝暉爛曲池夕照滿西陂復有當晝景江上鑠光儀時
從高浪歇乍逐細波移一在雕梁上詎比扶桑枝

詠日應趙王教

北周
康孟

金烏升曉氣玉檻漾晨曦先沉扶桑海返照若華池洛
浦全開鏡衡山半隱規相懽承愛景其惜寸陰移

朝日歌

隋
無名氏

扶木上朝暾
崑山呈暮景
寒來游晷促
暑至馳輝永
時和合璧耀
俗泰重輪明
執圭盡昭事
服冕罄虔誠

賦得白日半西山

唐太宗

紅輪不暫駐
鳥飛豈復停
岑霞漸漸落
谿陰寸寸生
藿葉隨光轉
葵心逐照傾
晚煙含樹色
棲鳥雜流聲

賦得秋日懸清光賜房玄齡

太宗

秋露凝高掌
朝光上翠微
參差麗雙闕
照耀滿重闈
仙馭隨輪轉
靈鳥帶影飛
臨波無定彩
入隙有圓暉
還當

葵藿志傾葉自相依

奉和詠日午

唐虞世南

高天淨秋色長漢轉曦車
玉樹陰初正桐圭影未斜
翠蓋飛圓彩明鏡發輕花
再中良表瑞共仰壁暉賒

詠日

唐董思恭

滄海十枝暉元圃重輪慶
舜花發晨楹菱彩翻朝鏡
忽遇微風飄自有浮雲映
更也人皆仰無待揮戈正

賦得落日山照曜

唐張謂

裴徊空山下
曉晚殘陽落
圓影過峰巒
半規入林薄
餘光徹羣岫
亂彩分重壑
石鏡共澄明
巖光同照灼
棲禽去杳杳
夕煙生漠漠
此境誰復知
獨懷謝康樂

日出

宋 孔平仲

仲冬十一月我行赴高密路出東海上晨起駭初日騰騰若車輪只向平地出較於昔所見得此十之七蟾蜍尚弄影皎皎橫參畢輝光一迸散夜氣掃若失扶桑想可到俗慮苦難訖壯觀曾未厭側歎流景疾

初日

元馬祖常

初日照我樹我樹日華滋檀欒綠陰合四顧無曲枝盛
暑熾煩歎其中有涼颼成林蔭千畝棲息任所宜

七言古

玉牒辭

夏大禹

祝融司方發其英沐日浴月百寶生

五言律

日

唐李嶠

日出扶桑路遙升若木枝雲間五色滿霞際九光披東
陸蒼龍駕南郊赤羽馳傾心比葵藿終日奉光曦

返照

唐杜甫

返照開巫峽寒空半有無已低魚復暗不盡白鹽孤荻
岸如秋水松門似畫圖牛羊識童僕既夕應傳呼

落照

唐馬戴

照耀天山外飛鴉幾共過微紅拂秋漢片白透長波影
促寒汀薄光殘古木多金霞與雲氣散漫復相和

望早日

唐 朱慶餘

牕下聞雞後蒼茫映遠林
纔分天地色便禁虎狼心
是處程途遠何山洞府深
此時堪佇望萬象豁塵襟

夕陽

唐 鄭谷

夕陽秋更好潏潏蕙蘭中
極浦明殘雨長天急遠鴻
僧牕留半榻漁舸透疎篷
莫道清光盡寒蟾即照空

五言排律

省試夏日可畏

唐 張籍

赫赫溫風扇炎炎夏日徂火威馳迴野畏景鑠遙途勢
矯翔陽翰功分造化爐禁城千品獨黃道一輪孤落照
頻空輦餘暉卷夕梧如何倦游子中路獨踟躕

賦得日暖萬年枝

唐蔣防

新陽歸上苑嘉樹獨含妍散漫添和氣曛曛卷曙煙流
輝宜聖日接影貴芳年自與恩光近那關煦嫗偏結根
誠得地表壽願符天誰道憐寒質從茲不暖然

賦得日暖萬年枝

唐王約

靄靄彤庭裏沈沈玉砌陞初升九華日潛暖萬年枝煦
嫗光偏好青蔥色轉宜每因韶景麗長沐惠風吹隱映
當龍闕氛氲隔鳳池朝陽光照處惟有近臣知

賦得秋日懸清光

唐陶拱

秋至雲容斂天中日景清懸空寒色淨委照曙光盈
注看彌上輝輝望最明煙霞輪乍透葵藿影初生
鑒下誠無極升高自有程何當迴盛彩一為表精誠

賦得日華川上動

唐石殷士

曙霞攢旭日浮景弄晴川
晃耀層潭上悠揚極浦前
岸高時擁媚波遠漸澄鮮
萍實空隨浪珠胎不照淵
早暄依曲渚微動觸輕漣
孰假咸池望幽情得古篇

賦得初日照華清

唐 柴 宿

靈川初照日遠近見離宮
影動參差裏光分縹緲中
鮮飈收晚翠佳氣滿晴空
林潤溫泉入樓深複道通
璇題生炯晃珠綴引璵璠
鳳輦何時下朝朝北望同

賦得初日照鳳樓

唐 李 虞 仲

旭日煙雲殿朝陽燭帝居斷霞生峻宇通閣麗晴虛流
彩連朱檻騰輝照綺疏瞳矐晨景裏明滅曉光初戶牖
仙山近軒楹鳳翼舒還如王母過遙度五雲車

日南長至

唐獨孤鉉

玉歷頒新律凝陰發一陽輪輝猶惜短圭景此偏長躔
度經南斗光流盡北堂乍疑周戶曜可愛逗林黃積雪
消微煦初萌動早芒更升臺上望雲物已昭彰

七言律

南江夕照

元 吳 萊

偶出官橋倚落曛詩家觸景漫紛紛彈琴在峽驚聞瀑
罨畫為谿喜得雲竹篠晚深樵弛擔莎根秋短牧歸羣
道旁更有粉榆社欲脫蓑衣藉酒醺

南江夕照

元 錢惟善

日盡江南送夕陽空明直上接魚梁千重雲岫連平遠
五色霜林映渺茫孤鶩倒飛天上下長虹高卧水中央
白雲紅稻多秋思付與詩翁住醉鄉

五言絕句

鹿柴

唐王維

空山不見人，但聞人語響。
返景入深林，復照青苔上。

憶長安曲寄龐淮

唐岑參

東望望長安，正值日初出。
長安不可見，喜見長安日。

夕陽

唐陸龜蒙

渡口和帆落，城邊帶角收。
如何茂陵客，江上倚高樓。

山中

元僧英

一聲山鳥啼幽夢忽喚醒起來開竹扉日上東峰頂

江行

明李夢陽

迎送山相似舟移迷北南回看阜口日已照石華潭

七言絕句

曉光詞

唐施肩吾

日輪浮動羲和推東方一軋天門開風神為我掃煙霧
四海蕩蕩無塵埃

曉日

唐韓偓

天際霞光入水中
水中天際一時紅
直須日觀三更後
首送金烏上碧空

雨後早發大寧

唐薛能

春霖朝罷客西東
馬足泥聲路未通
最愛千峰最高處
一峰初日白雲中

落日馬上

宋秦觀

日落荒阡白霧深
紫騮嘶顧出疎林
回頭已失來時路
杳杳金盤墮翠岑

江村即事

元黃庚

江邨暝色漸淒迷，數點殘鴉雜鴈飛。
鴈宿蘆花鴉宿樹，各分一半夕陽歸。

萬壽節出左掖門口號

元王惲

禁漏穿花夜已央，宮槐籠曉色蒼蒼。
殷勤一點東華日，先到紅鸞扇影光。

小遊仙

明桑悅

白雲為被綵霞氍，高枕長凌倒景眠。
却怪兩燈常下照。

不知日月麗中天

山曉望大內作

明王寵

龍樓佳氣繞鍾山
鳳瓦參差苑樹閒
一片日華凌曉霽
金光浮動翠微間

御定佩文齋詠物詩選卷二

欽定四庫全書

御定佩文齋詠物詩選卷三

月類

古樂府

月重輪行

魏文帝

三辰垂光照臨四海煥哉何煌煌悠悠與天地久長愚
見目前聖觀萬年明闇相絕何可勝言

五言古

奉和月下

齊王融

雕雲度綺錢香風入珠網獨知此夜月依遲慕神賞

望月

梁簡文帝

流輝入畫堂初照上梅梁形同七子鏡影類九秋霜桂
花那不落團扇與誰粧空聞北牕彈未舉西園觴

望江中月影

梁元帝

澄江涵皓月水影若浮天風來如可汎流急不成圓秦
鉤斷復接和壁碎還聯裂紈依岸草斜桂逐行船即此

春江上無俟百枝然

應王中丞思遠詠月

梁沈約

月華臨靜夜夜靜滅氛埃方輝竟戶入圓影隙中來高樓切思婦西園遊上才網軒映珠綴應門照綠苔洞房殊未曉清光信悠哉

詠秋月

梁虞羲

影麗高堂端光入長門殿初生似玉鉤裁滿如團扇汎濫浮陰來金波時不見儻遇賞心者照之西園宴

和繆郎視月

梁何子期

清夜未云疲珠簾聊可發泠泠玉潭水映見娥眉月靡
靡露方垂輝輝光稍沒佳人復千里餘影徒揮忽

和望月

梁庾肩吾

桂殿月偏來留光引上才圓隨漢東蚌暈逐淮南灰渡
河光不濕移輪轍詎開此夜臨清景還承終宴杯

月半夜泊鵲尾

梁劉孝綽

客行三五夜息棹隱中洲月光隨浪動山影逐波流

林下映月

劉孝綽

明明三五月垂影當高樹攢柯半玉蟾
裛葉彰金兔茲林有夜坐嘯歌無與晤
側光聊可書含毫且成賦

新月

梁劉琰

仙宮雲箔卷露出玉簾鉤清光無所贈
相憶鳳凰樓

舟中望月

梁朱超

大江闊千里孤舟無四鄰惟餘故樓月
遠近必隨人入風先遶暈排霧急移輪
若教長似扇堪拂艷歌塵

關山月

陳張正見

巖間度月華
流彩映山斜
暈逐連城壁
輪隨出塞車
唐
莫遙合影秦
桂遠分花欲
驗盈虛理方
知道路賒

賦得薄帷鑒明月

張正見

長河上桂月
澄彩照高樓
分簾疑碎壁
隔幔似垂鉤
窗
外光恒滿帷
中影暫流
豈及西園夜
長隨飛蓋遊

詠月贈人

北周王褒

月色當秋夜
斜暉映薄帷
上弦如半壁
初魄似娥眉
渡

雲光忽駛中天影更遲高陽懷許掾對此益相思

舟中望月

北周庾信

舟子夜離家開舸望月華山明疑有雪岸白不關沙天
漢看珠蚌星橋視桂花灰飛重暈闕萱落獨輪斜

遼城望月

唐太宗

玄兔月初明澄輝照遼碣映雲光暫隱隔樹花如綴魄
滿桂枝圓輪移鏡彩缺臨城却影散帶暈重圍結駐蹕
俯九都竚觀妖氛滅

詠月

唐
董思恭

北堂未安寢西園聊騁望
玉戶照羅帷朱軒明綺障
別客長安道思婦高樓上
所願君莫違清輝時可訪

春宵覽月

唐
閻寬

月生東荒外天雲收夕陰
夢見澄清景象吾虛白
心耳目靜無譁神超道性深
乘興得至樂寓言因永吟

禁中月

唐
白居易

海上明月出禁中清夜長
東南樓殿白稍稍上宮牆
淨

落金塘水明浮玉砌霜不比人間見塵土污清光

客中月

白居易

客從江南來來時月上弦悠悠行旅中三見清光圓
曉隨殘月行夕與新月宿誰謂月無情千里遠相逐朝發
渭水橋暮入長安陌不知今夜月又作誰家客

府舍月遊

唐韋應物

府舍耿深夜佳月喜同遊橫河俱半落汎露忽驚秋散
彩疎羣樹分規澄素流心期與浩景蒼蒼殊未收

步月

宋文同

掩卷下中庭，月色浩如水。秋氣涼滿襟，松陰密鋪地。百蟲催夜去，一鴈領寒起。靜念忘世紛，誰同此佳味。

月夜述懷

宋朱子

皓月出林表，照此秋牀單。幽人起晤歎，桂香發窗間。高梧滴露鳴，散髮天風寒。抗志絕塵氛，何不棲空山。

南園步月

金劉汲

雲橫樹外山，樹映山顛月。微風拂寒林，疎光散清樾。幽

歡難邂逅此景安可忽從來山水心不為塵埃沒

山中

元于石

偶因抱甕出夜汲澗底泉蕩搖水中月水定光復圓問
水水不語問月月不言倚樹一長嘯萬壑松風寒

洞庭秋月

元陳孚

月明水無痕冷光泣清露微風一披拂金影散無數天
地青茫茫白者獨有鷺鷥去月不搖一鏡湛如故

月林清影

明高啓

疎林逗明月散亂成清影
流藻舞波寒驚蚪翻壑冷雲
來稍欲翳風動紛難整
圓魄忽西傾愁看墮空境

七言古

把酒問月

唐李 白

青天有月來幾時我欲停杯一問之
人攀明月不可得月行却與人相隨
皎如飛鏡臨丹闕綠煙滅後清輝發
但見宵從海上來寧知曉向雲間沒
白兔擣藥秋復春嫦娥孤棲與誰鄰
今人不見古時月今月曾經照古人

古人今人若流水共看明月皆如此
唯願當歌對酒時
月光長照金尊裏

金陵城西樓月下吟

李白

金陵夜寂涼風發獨上高樓望吳越
白雲映水搖空城
白露垂珠滴秋月月下長吟久不歸
古今相接眼中稀
解道澄江淨如練令人長憶謝玄暉

洞庭秋月

唐劉禹錫

洞庭秋月生湖心層波萬頃如鎔金
孤輪徐轉光不定

游氣濛濛隔寒鏡是時白露三秋中湖平月上天地空
岳陽樓頭暮角絕蕩漾已過君山東山城蒼蒼夜寂寂
水月逶迤繞城白盪漿巴童唱竹枝連檣估客吹羌笛
勢高夜火陰力全金氣肅肅開星躔浮雲野馬一回首
遙望星斗當中天天雞相呼曙霞出斂影含光讓朝日
日出喧譁人不閒夜來清景非人間

白楊河看月

元
揭傒斯

白楊河上看明月昔人曾見今人別茅屋數家河畔邨

化作三山白銀闕波平風靜棹歌來萬頃冲融鏡面開
今夜江南憶遊子空瞻銀漢上昭回茫茫萬里燕齊路
北斗縱橫泰階曙黃河東逝月西流明日南風過洪去

題蘆溝曉月圖

明趙寬

銀河半落長庚明城高萬戶皆雞聲長橋卧波鼇背脊
上有車馬蕭蕭行蒼煙淡接平蕪迴沙際朦朧見人影
舉頭一望天宇高殘月依依在西嶺

五言律

挂席江上待月有懷

唐李白

待月月未出望江江自流
倏忽城西郭青天懸玉鉤
素華雖可攬清景不同游
耿耿金波裏空瞻鵲鵲樓

月圓

唐杜甫

孤月當樓滿寒江動夜扉
委波金不定照席綺逾依
未缺空山靜高懸列宿稀
故園松桂發萬里共清輝

初月

杜甫

光細弦欲上影斜輪未安
微升古塞外已隱暮雲端
河

漢不改色關山空自寒庭前有白露暗滿菊花團

舟月對驛近寺

杜甫

更深不假燭月朗自明船金刹青楓外朱樓白水邊城
鳥啼眇眇野鷺宿娟娟皓首江湖客鉤簾獨未眠

江邊星月

杜甫

驟雨清秋夜金波耿玉繩天河元自白江浦向來澄映
物連珠斷緣空一鏡昇餘光隱更漏况乃露華凝

奉和賀監林月清酌

唐王灣

華月當秋滿朝英假興同淨林新霽入窺院早涼通碎
影行筵裏搖花落酒中清宵凝爽意并此助文雄

裴迪南門秋夜對月

唐錢起

夜來詩酒興月滿謝公樓影閉重門靜寒生獨樹秋鶴
驚隨葉散螢遠入煙流今夕遙天末清光幾處愁

新月

唐方干

入夜天西見蛾眉冷素光潭魚驚釣落雲鴈怯弓張隱
隱臨珠箔微微上粉牆更憐三五夕仙桂滿輪芳

五言排律

壁池望秋月

唐張子容

涼夜窺清沼池空水月秋
滿輪沈玉鏡半魄落銀鉤
蟾影搖輕浪菱花度淺流
漏移光漸潔雲斂色偏浮
似壁憐三獻疑珠喜再投
能持千里意來照殿西頭

和崔舍人詠月二十韻

唐韓愈

三秋端正月今夜出東溟
對日猶分勢騰天漸吐靈
未高蒸遠氣半上霽孤形
赫奕當躔次虛徐度杳冥
長河

晴散霧列宿曙分螢浩蕩英華溢蕭疎物象冷池邊臨
倒照簷際送橫經花樹參差見皋琴斷續聆牖光窺寂
莫砧影伴娉婷幽坐看侵戶閒吟夢滿庭輝斜通壁練
彩碎射沙星清潔雲間路空涼水上亭淨堪分顧兔細
得數飄萍山翠相凝綠林煙共暮青過隅驚桂側當午
覺輪傳屬思攜霞錦追歡罄縹緲郡樓何處望隴笛此
時聽右掖連台座重門限禁局風臺觀滉漾冰砌步青
瑩獨有虞庠客無由拾落莫

圓靈水鏡

唐張聿

鳳池開玉鏡，清瑩瀉寥天。
影散微波上，光含片玉懸。
菱花凝汎灩，桂樹映清鮮。
樂廣披雲日，山濤卷霧年。
濯纓何處去，鑒物自堪妍。
迴首看雲液，蟾蜍勢正圓。

賦得海上生明月

唐朱華

皎皎秋中月，團團海上生。
影開金鏡滿，輪抱玉壺清。
漸出三山上，將凌一漢橫。
素娥嘗藥去，烏鵲遶枝驚。
照水光偏白，浮雲色最明。
此時堯砌下，萱莢自將榮。

七言律

訓李舍人寓直對月見寄

唐盧綸

露如輕雨月如霜
不見星河見鴈行
虛暈入池波自定
滿輪當苑桂多香
春臺幾望黃龍闕
雲路寧分白玉郎
此夜巴歌應金石
豈殊螢影對清光

直中書翫月見寄

唐李端

名卿步月正淹留
上客裁詩怨別遊
素魄近成班女扇
清光遠似庾公樓
嬋娟更稱憑高望
皎潔能傳自古愁

盈手入懷皆不見陽春曲麗轉難酬

中秋松江新橋對月和柳令之作

宋蘇舜欽

月晃長江上下同畫橋橫絕冷光中雲頭灑灑開金餅
水面沈沈卧彩虹佛氏解為銀色界仙家多住玉華宮
地雄景勝言難盡但欲追隨御曉風

八月十六夜翫月

宋孔平仲

團團冰鏡吐清輝今夜何如昨夜時只恐月光無顯晦

自緣人意有盈虧風摩露洗非常潔地闊天高是處宜
百尺曹亭吾獨有更教玉笛倚闌吹

姑蘇汎月

宋王阮

夜來誰共汎靈槎飛上牽牛織女家但覺滿身皆雨露
絕無一點著塵沙秋將寒玉清風陣月借鎔銀潑浪花
投曉歸來互相告等閒休向俗人誇

月夜次脩竹韻

元黃庚

徙倚吟闌傍野塘古譙蓮漏滴更長月階夜靜蛩聲切

竹院秋深鶴夢涼
坐挹水風侵袂冷
眠分花露滿身香
浩歌欲溯明河去
醉喚天孫織錦囊

宗陽宮望月分韻得聲字

元楊載

老君臺上涼如水
坐看冰輪轉二更
大地山河微有影
九天風露寂無聲
蛟龍竝起承金榜
鸞鳳雙飛載玉笙
不信弱流三萬里
此身今夕到蓬瀛

水中月

楊載

晴波浸月月波浮
玉兔涼生萬頃流
丹桂影沈江浦夜

白蓮光浴海天秋。鮫人織罷綃猶濕。龍女妝成鏡未收。
應是廣寒眠不得。水晶宮裏夜深遊。

月色

元徐舫

誤踏瑤階一片霜。侵簾不濕映衣涼。照來雲母屏無迹。
穿入水精簾有光。雪影半窗能共白。梅花千樹只多香。
故人疑是見顏色。殘夜分明在屋梁。

湖中翫月

明張紳

銀波千頃照神州。此夕人間別是秋。地與樓臺相上下。

天隨星斗共沈浮一塵不向空中住萬象都於物外求
醉吸清華遊碧落更從何處覓瀛洲

蘆溝曉月

明李東陽

霜落桑乾水未枯曉空雲盡月輪孤一林燈影稀還見
十里川光澹欲無不斷鄰雞催短夢頻來征馬識長途
石欄橋上時翹首應傍清虛憶帝都

月鉤

明朱之蕃

碧空如洗界清光為控疎簾照晚妝花柳有情渾弄影

魚龍何事欲深藏
玉繩露濕斜臨檻
銀漢星稀曲轉廊
怪底棲鳥驚不定
一灣早已落橫塘

五言絕句

翫初月

唐駱賓王

忌滿光先缺
乘昏影暫流
自能明似鏡
何用曲如鉤

清谿汎舟

唐張旭

旅人倚征棹
薄暮起長歌
笑攬清谿月
清輝不厭多

靜夜思

唐李白

牀前明月光疑是地上霜舉頭望明月低頭思故鄉

江行

唐錢起

夕景殘霞落秋寒細雨晴短纓何用濯舟在月中行

江中對月

唐劉長卿

空洲夕煙斂望月秋江裏歷歷沙上人月中孤渡水

同李三月夜作

唐皇甫冉

霜風驚度鴈月露皓疎林處處砧聲發星河秋夜深

十五夜觀月

唐劉禹錫

星辰讓光彩風露發晶英能變人間景脩然是玉京

月榭

宋 朱子

月色三秋白湖光四面平與君凌倒影上下極空明

答林公遇

宋 劉克莊

霜下石橋滑蛩吟茅店清夢回殘月在錯認是天明

和歐陽南陽月夜思

元 揭傒斯

月出照中園鄰家猶未眠不嫌風露冷看到樹陰圓

綠窗詩

元 孫蕙蘭

燈前催曉妝把酒向高堂但願梅花月年年映壽觴

七言絕句

峨嵋山月歌

唐李 白

峨嵋山月半輪秋影入平羌江水流夜發清谿向三峽
思君不見下渝州

月望洞庭

唐劉禹錫

湖光秋月兩相和潭面無風鏡未磨遙望洞庭山水翠
白銀盤裏一青螺

雪後宿同軌店上法護寺鐘樓望月

唐元稹

滿山殘雪滿山風
野寺無門院院空
煙火漸稀孤店靜
月明深夜古樓中

初入香山院對月

唐白居易

老住香山初到夜
秋逢白月正圓時
從今便是家山月
試問清光知不知

十五夜望月寄杜郎中

唐王建

中庭地白樹棲鴉，冷露無聲濕桂花。
今夜月明人盡望，不知秋思在誰家。

八月燈夕寄遊越施秀才

唐徐凝

四天淨色寒如水，八月清輝冷似霜。
想得粵人今夜見，孟家珠在鏡中央。

對月

唐姚合

銀輪玉兔向東流，瑩淨三更正好遊。
一片黑雲何處起，皂羅籠却水精毬。

霜月

唐
李商隱

初聞征鴈已無蟬
百尺樓南水接天
青女素娥俱耐冷
月中霜裏鬪嬋娟

洛陽秋夕

唐
杜牧

泠泠寒水帶霜風
更在天橋夜景中
清禁漏閒煙樹寂
月輪移在上陽宮

峽山寺上方

唐
李羣玉

滿院泉聲山殿涼
疎簾微雨野松香
東峰下視南溟月

笑踏金波看海光

秋月

唐曹松

無雲世界秋三五共看蟾盤上海涯直到天頭天盡處
不曾私照一人家

春夕酒醒

唐陸龜蒙

幾年無事傍江湖醉倒黃公舊酒壚覺後不知新月上
滿身花影倩人扶

夜景又作

唐鄭畋

鈴條無響閉珠宮
小閣涼添玉蕊風
枕簟滿牀明月到
自疑身在五雲中

秋日田園雜興

宋范成大

中秋晴景屬潛夫
棹入空明看太湖
身外水天銀一色
城中有此月明無

春月

金呂中孚

柳塘漠漠暗啼鴉
一鏡晴飛玉有華
好是夜闌人不寐
半庭疎影在梨花

江上早行

明 楊士奇

漢陽磯上鼓初稀
煙柳朧朧一鵲飛
乘月不知行處遠
滿江風露濕人衣

水榭

明 吳廷暉

谿聲到枕驚春夢
露氣入簾生夜寒
自起開門看明月
和花移過曲闌干

皓月

明 祝允明

玉田金界夜如年
大地人間事幾千
萬籟蕭蕭微不辨

露繁霜重月盈天

御定佩文齋詠物詩選卷三

欽定四庫全書

御定佩文齋詠物詩選卷四

星類

五言古

衆星詩

晉
傅玄

朗月共衆星日出擅其名
冬寒地為裂春和草木榮
陽德雖普濟非陰亦不成

賀老人星詩

北齊
邢邵

瑞動星光照化穆月輪重庶徵符祉錄將以贊時雍

奉和月夜觀星應令

隋蕭綜

陽精已南陸大曜始西流夕風淒謝暑夜氣應新秋重
門月已映嚴城漏漸脩臨風出累榭度月蔽層樓靈河
隔神女仙轡動星牛玉衡指棟落瑤光對幌留徒知仰
閨闔乘槎未有由

奉和月夜觀星應令

隋袁慶

六龍初沉影顧兔復馳光戒井傳宵漏山庭引夕涼宸

居多勝託閒步出琳堂爛爛星芒動耿耿清河長青道
移天駟北極轉文昌喬枝猶隱畢絕頂半侵張仰觀留
玉裕睿作動金相無庸徒抱寂何以繼連章

奉和月夜觀星應令

隋諸葛穎

竊窳神居遠蕭條更漏深薄煙淨遙色高樹肅清陰星
月滿茲夜燦爛還相臨連珠欲東上團扇漸西沈澄水
含斜漢脩樹隱橫參時聞送籌析屢見繞枝禽聖情記
餘事振玉復鳴金

奉和月夜觀星應令

唐虞世南

早秋炎景暮初弦月彩新清風滌暑氣零露淨翫塵薄
霧銷輕縠鮮雲卷夕鱗休光灼前曜瑞彩接重輪緣情
搞聖藻竝作命徐陳小草誠渝濫吹噓偶縉紳天文豈
易述徒知仰北辰

詠星

唐董思恭

歷歷東井舍昭昭右掖垣雲際龍文出池中鳥色翻流
輝下月露墜影入河源方知潁川集別有太丘門

夜行觀星

宋 蘇軾

天高夜氣嚴，列宿森就位。
大星光相射，小星鬧如沸。
天人不相干，嗤彼本何事。
世俗強指摘，一一立名字。
南箕與北斗，乃是家人器。
天亦豈有之，無迺遂自謂。
迫觀知何如，遠想偶有似。
茫茫不可曉，使我長歎喟。

齋居感興

宋 朱子

微月度西嶺，爛然衆星光。
明河斜未落，斗柄低復昂。
感此南北極，樞軸遙相當。
太乙有常居，仰瞻獨煌煌。
中天

照四國三辰環侍旁人心要如此寂感無邊方

觀孫太古周天二十八宿星君像圖

元吳萊

大園杳何極鼇柱屹不傾日月光最耀衆星劇縱橫周
天二十八錯絜各有名荒哉審厥象晃朗奪目睛東垣
青龍崛西園白虎嚙翺飛鳥隼狀偃伏龜蛇精紫宮自
然拱銀漢無復聲五行所經緯甘石知性情上界足宮
府神人居穆清跳踉鬼脚捷舐舐獸面頰裳衣身裸襲

角鬣紛披鬢豈其太白變嬉戲類亞嬰照臨多芒角躔
次在縮羸揣摩過人料彩繪匪世程伊誰駕一氣得以
導九坑想像凌倒景觀遊撫層城虛空何宮宇蒼莽孰
節旌凡夫本狹見四顧惟寰瀛祗疑列宿質却混殊方
氓山神對我博刻石華山陞海神靳我畫浪卷滄海鯨
天神詎可識萬古欺聾盲星占世有職畫史吾奚評

七言古

桐廬道口書事

宋程俱

一星熠熠初尚微俄頃滿天如灼龜谿流黯黯四山黑
寒芒當空惟太白舉頭仰看天漫漫飛星縱橫絕河漢
新月未高不可見孤舟影入蘋花岸

五言律

星

唐李嶠

蜀郡靈槎轉豐城寶劍新將軍臨北塞天子入西秦未
作三台輔寧為五老臣今宵潁川曲誰識聚賢人

星

明許穀

麗天疑有質連貝各呈輝森布標分野羣來捧太微宵
占賢士聚曉覺故人稀獨喜旄頭落天南奏凱歸

五言排律

省試七月流火

唐敬括

前庭一葉下言念忽驚秋變節金初至分寒火正流氣
含涼夜早光拂夏雲收助月微明散沿河麗景浮禮標
時令爽詩興國風幽自此觀邦政深知王業優

賦得玉繩低建章

唐張仲素

迢迢玉繩下芒彩正闌干稍復臨鵲方疑近露寒微
明連粉堞的皪映僊盤橫接河流淺低將夜色殘天榆
隨影沒宮樹與光攢遐想西垣客長吟欲罷難

老人星

唐趙蕃

太史占南極秋分見壽星增輝延寶曆發曜起祥經灼
爍依狼地照彰近帝庭高懸方晶晶孤白乍熒熒應見
光親吐休徵德自形既能符聖祚從此表遐齡

壽星見

唐盧渥

元象今何應時和政亦平祥為一人壽色映九霄明皎
潔垂銀漢光芒近斗城含規同月滿表瑞得天清甘露
盈條降非煙向日生無如此嘉祉率土荷秋成

賦得郎官上應列宿

唐公乘億

北極佇文昌南宮曉拜郎紫泥乘帝澤銀印佩天光緯
結三台側鉤連四輔旁佐商依傳說仕漢笑馮唐委珮
搖秋色峨冠帶晚霜自然符列象千古耀巖廊

七言律

駕幸朝天宮祭星之作

明李禎

上帝蕭臺衛百靈
儲皇拂曙醮羣星
清都秘籙開雲象
白晝神雷擲火鈴
曉露未乾珠樹濕
天風微動寶花零
叨恩久在南宮裏
長從鸞輿幸冶亭

五言絕句

夜宿山寺

唐李白

層樓高百尺
手可摘星辰
不敢高聲語
恐驚天上人

絕句

唐賈島

中夜忽自起汲此百尺泉林木含白露星斗在青天

五更轉

明劉基

四更城上寒刁斗鳴不歇披衣出戶視太白光如月

七言絕句

奉和幸韋嗣立山莊應制

唐沈佺期

東山朝日翠屏開北闕晴雲采仗來喜遇天文七曜動
少微今夜近三台

盆池

唐韓愈

池光天影共青青拍岸纔添水數鉸且待夜深明月去
試看涵得幾多星

登觀音臺望城

唐白居易

百千家似圍棋局十二街如種菜畦遙認微微入朝火
一條星宿五門西

戲和夢得答李侍郎詩有文星之句

白居易

看題錦繡報瓊環俱是人天第一才好遣文星守躔次

也須防有客星來

題水月臺

唐李涉

平流白日無人愛
橋上閒行若箇知
水似晴天天似水
兩重星點碧琉璃

步虛詞

唐陳羽

漢武清齋讀鼎書
內官扶上畫雲車
壇上月明宮殿閉
仰看星斗禮空虛

即事

宋陸游

小閣憑欄望遠空
天河橫貫斗牛中
他年鼓角榆關路
馬上遙看與此同

和胡士恭灤陽巴納即事

元貢師泰

野館吹燈夜未央
薄寒偏透越羅裳
出門不記人行路
馬首惟占北斗光

師子林即景

元僧惟則

斜梅勢壓石闌干
花似垂頭照影看
白晝雲陰天欲雪
半池星斗逼人寒

題陳太初畫扇

明劉基

汎湖浮海兩如何
滿地秋風起白波
爭似乘槎隨博望
玉繩光裏看山河

小游仙

明桑悅

雲浮碧落似輕塵
散步閒過析木津
莫訝神光生兩鳥
天行是處躡星辰

早朝

明楊子器

綵雲飛繞鳳凰樓
簾捲屏開見玉旒
西殿鐘聲朝已落

滿天星斗未曾收

太岳紀遊

明教英

偶來雲卧紫霄宮
露洗瑤臺月浸空
夜半星官朝北斗
步虛聲在萬花中

御定佩文齋詠物詩選卷四